



Publicaziuns dalla vischnaunca, jamna 17

Lubientschas da baghegiar

L'istanza da baghegiar ha concediu suandonta lubientscha da baghegiar:

Nr. 2020-1028.000

Vischnaunca Disentis/Mustér, Via Cons 2, 7180 Disentis/Mustér; nova piazza da grillar, parcella 2541, Crap Furau, Val Clavaniev, 7180 Disentis/Mustér.

Nr. 2020-1029.000

Vischnaunca Disentis/Mustér, Via Cons 2, 7180 Disentis/Mustér; nova piazza da grillar, parcella 3586, Curschettas, Via Bugnei, 7186 Segnas.

Nr. 2023-1023.000

Corporaziun d'aua Spina da Vin, 7180 Disentis/Mustér; sanaziun dallas tschaffadas d'aua e construcziun nova d'ina stiva d'aua, parcella 2541, Lag da Tgauns, 7180 Disentis/Mustér.

Nr. 2023-1026.000

Peter & Petra Gabriela Baumann, Eschtürlistrasse 21, 8815 Horgenberg; sanaziun energetica digl edificii nr. 115, remplazzament dil scaldament entras ina pumpa da calira d'aria, novs balcuns ed ina nova garascha, parcella 804, Via Lucmagn 23, 7180 Disentis/Mustér.

Nr. 2023-3000.000

Büro Föllmi AG, Via Lucmagn 9, 7180 Disentis/Mustér; remplazzament dall'inscripziun entras la midada da num, parcella 708, Via Lucmagn 9, 7180 Disentis/Mustér.

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **gievgia, ils 4 da matg 2023**, allas 19.30 en halla Cons.

Tractandas:

1. Protocol 21-2021/2024
2. «Ovra solara Magriel»: Presentaziun ed orientaziun davart il project entras representants dall'Axpo
3. Rapport da gestiun e quen 2022 (messadi 36-2021/2024)
4. Ura da damondas (conform ad art. 44 dil regulativ da fatschentas)

La presidenta dil cussegl da vischnaunca



Cussegl da vischnaunca – Rapport dalla seduta dils 18 d'avrel 2023

La realisaziun dalla pli gronda punt pendenta dil Grischun vegn in pass pli datier

Mardis, ils 18 d'avrel 2023 ha giu liug ella halla Cons la 21avla seduta dil cussegl da vischnaunca dalla perioda d'uffeci 2021/2024. El center dalla seduta ei stau ina contribuziun finanziaria pil project «la pendenta», in credit pil project «Solar Alpin Disentis» e la revisiun totala dalla lescha da pumpiers. Il cussegl da vischnaunca ha concediu cun gronda majoriad in credit per la punt pendenta da maximalmein frs. 390 000.–. Plinavon ha il parlament communal concediu in credit da frs. 119'000.– per la realisaziun dalla secunda fasa dil project «Solar Alpin Disentis» che cumpeglia il giudicament dil liug en detagl. En quei connex ei vegniu incumbensau la suprastonza communal da contrahar culs possessurs da terren davart ina participaziun alla plivalur che sedat entras l'ovra.

Il cussegl da vischnaunca ha sut l'egida dalla presidenta dil cussegl da vischnaunca **Helga Probst-Linder** concediu pil project dalla punt pendenta in credit da frs. 390'000.–. Aschia ei la pli liunga punt pendenta dil Grischun in pass pli datier alla realisaziun. La contribuziun concedida dalla vischnaunca munta en relaziun culs cuosts totals d'investiziun dad 1.9 milliuns francs a rodund 25%. Il rest da 75% dils cuosts d'investiziun, pia rodund 1.4 miu. francs, vegn finanziaus entras grond susteniment da privats, interpresas, cantun ed ulteriurs fautors. Cun la resalva dil referendum facultativ ed il consentiment dalla lubientscha a baghegiar van ins da quei anora che las sugas san vegnir empustadas igl atun 2023 e che la punt pendenta sappi vegnir realisada el decuors digl onn 2024. La punt pendenta ei in'attractiva purschida che duei purtar all'entira regiun ina plivalur turistica ed economica.

Plinavon ha il cussegl da vischnaunca concediu in credit da frs. 119'000.– per la realisaziun dalla secunda fasa dil project «Solar Alpin Disentis» che cumpeglia il giudicament dil liug en detagl. Tenor proposta da cusseglier **Edgar Durschei**, ch'ei vegnida sustenida unanimamein, ei en connex cul consentiment dalla lubientscha da baghegiar da contrahar culs possessurs da terren davart ina participaziun dalla vischnaunca alla plivalur che sedat entras quell'ovra. L'ovra fotovoltaica quenta cun ina produenziun da 45 - 50 GWh, quei che corrispunda ad in basegns da rodund 10'000 casadas mesaunas. L'ovra duei vegnir realisada igl onn 2025.

Ulteriuramein ha il cussegl da vischnaunca approbau la revisiun totala dalla lescha da pumpiers e la revisiun parziala dils statuts dils Pumpiers Sursassiala. Da niev succeda la repartiziun dils cuosts tenor diember da pumpiers che vegn definida dall'Assicuranza d'edificis dil Grischun (GVG). La nova clav da repartiziun ei la basa per ina gesta e persistenta repartiziun dils cuosts per saver garantir era el futur in'organisaziun professiunala dils Pumpiers Sursassiala. La lescha da pumpiers ed ils statuts Pumpiers Sursassiala vegnan suttaless al referendum facultativ tenor art. 21 lit b dalla constituziun communal e duein entrar en vigor cuagl 1. da schaner 2024.

Suprastonza communal

Serrada Via Alpettas

En connex cun la realisaziun dalla surbaghegiada alla Via Alpettas 12 ha igl uffeci da baghegiar concediu la lubientscha da serrar la Via Alpettas en connex cul plaz d'installaziun. Ils impediments sin la Via Alpettas vegnan signalisai. Per pedunzs, per velocipedists ei la via adina aviarta. Ils convischins pertuccai han adina la pusseivladad da carrar entochen il dacasa. La part enviers vest sa carrar sur la pista da baghegiar construida sin parcella 1729 ed ils convischins ella part digl ost han la pusseivladad sco entochen da cheu sur la via Alpettas e Via Faltscharidas.

Per prevegnir ad accidents supplichein nus vischinas e vischins d'observar las directivas signalisadas. Bien engraziament per la capientscha.

Disentis/Mustér, ils 18 d'avrel 2023

Uffeci infrastruttura e baghegiar Disentis/Mustér



Serrada senda dils Laruns

Muort lavurs da raccolta da lenna resta la senda dils Laruns sco era la Via Tiolas serrada naven d'immediat entochen ils 31 da matg 2023.

Per prevegnir ad accidents supplichein nus vischinas e vischins d'observar las directivas signalisadas. Bien engraziament per la capientscha.

Disentis/Mustér, ils 26 d'avrel 2023

Uffeci forestal Disentis/Mustér

Sedrun Disentis Tourismus SA

Gerne informieren wir Sie über das Angebot der Gästekarte 2023 sowie über das Handling im Rahmen einer Informations- und Schulungsveranstaltung für Ferienwohnungs-Vermieter der Region Disentis Sedrun. Dazu möchten wir Ihnen folgendes Datum anbieten:

– **5. Mai 2023**, 10.00 bis 12.00 Uhr in der Mehrzweckhalle Dulezi

Wir bitten Sie, sich bis zum **1. Mai 2023** für das gewünschte Datum per E-Mail (info@disentis-sedrun.ch) an-/oder abzumelden.

Sedrun Disentis Tourismus SA

Introducziun register funsil federal vischnaunca Disentis/Mustér

Territoris restonts dalla vischnaunca da Disentis/Mustér (parts dallas sorts da mesiraziun 3, 7, 10, 12, plans dil register funsil nrs. 38-41, 44-47 sco era plans da survesta 1:10'000)

Il Departement d'economia publica e fatgs socials dil Grischun ha disponiu l'introducziun dil register funsil federal sur ils territoris restonts dalla vischnaunca da Disentis/Mustér (sorts da mesiraziun 3, 7, 10, 12, plans dil register funsil nrs. 38-41, 44-47 sco era plans da survesta 1:10'000).

Sebasond sin art. 10 dall'Ordinaziun dil register funsil el cantun Grischun (KGBV; BR 217.100) vegnan tuttas personas, che

- fan valer dretgs, ils quals ein aunc buca impurtai el register funsil cantunal, ni
- giavischan midadas, cassaziuns d'impurtaziuns fallidas ni da talas che han piars lur muntada, supplicadas, d'annunziar quei entochen ils **30 da zercladur 2023** agl Uffeci funsil Cadi, Via Sursilvana 18, 7180 Disentis/Mustér.

Formulars d'annunzia resp. ulteriuras infos san ins retrer tier igl uffeci funsil ni sin la pagina d'internet sut www.gbacadi.ch. L'investa el register funsil existent sa succeder sin preannunzia telefonica tier igl Uffeci funsil Cadi (081 920 33 44).

7180 Disentis/Mustér, 21 d'avrel 2023

Uffeci funsil Cadi

Igl administratur, Martin Monn



Grundbuchanlage Gemeinde Disentis/Mustér

Ausstehende Gebiete der Gemeinde Disentis/Mustér (Teile der Vermessungslose 3, 7, 10, 12, Pläne für das Grundbuch Nrn. 38-41, 44-47 sowie Übersichtspläne 1:10'000)

Das Departement für Volkswirtschaft und Soziales Graubünden hat die Einführung des eidgenössischen Grundbuches über die noch ausstehenden Gebiete der Gemeinde Disentis/Mustér (Vermessungslose 3, 7, 10, 12, Pläne für das Grundbuch Nrn. 38-41, 44-47 sowie Übersichtspläne 1:10'000) angeordnet.

Im Sinne von Art. 10 der VO betreffend das Grundbuch im Kanton Graubünden (KGBV; BR 217.100) werden alle Personen, die innerhalb dieses Bezugsgebietes

a) Rechte beanspruchen, welche in den kantonalen Grundbucheinrichtungen noch nicht eingetragen sind, oder

b) Änderungen oder Löschungen von unrichtigen oder bedeutungslos gewordenen Eintragungen beantragen, aufgefordert, diese bis am **30. Juni 2023** beim Grundbuchamt Cadi, Via Sursilvana 18, 7180 Disentis/Mustér, anzumelden.

Anmeldeformulare bzw. übrige Infos können beim Grundbuchamt oder unter www.gbacadi.ch bezogen werden. Einsichtnahme in die kantonale Grundbucheinrichtung kann auf telefonische Voranmeldung beim Grundbuchamt Cadi (081 920 33 44) erfolgen.

7180 Disentis/Mustér, 21. April 2023

Grundbuchamt Cadi,
Der Grundbuchverwalter, Martin Monn

Ev.-ref. Kirchgemeinde der Cadi

Ordentliche Kirchgemeindeversammlung der Ev.- ref. Kirchgemeinde der Cadi am Montag, 15. Mai 2023 um 19.00 Uhr im Kirchgemeindezentrum AUA VIVA in Disentis.

Liebe Kirchgemeindemitglieder

der Kirchgemeindevorstand lädt alle recht herzlich zu unserer Frühjahrsversammlung ein. Nach dem offiziellen Teil laden wir euch gerne noch zu einem kleinen Umtrunk ein!

Traktanden:

1. Begrüssung
2. Wahl der StimmenzählerInnen
3. Genehmigung des Protokolls der Kirchgemeindeversammlung vom 20.11.2022
4. Jahresbericht des Pfarramtes und des Vorstandes
5. Jahresrechnung der Kirchgemeinde 2021, Bericht der RevisorIn
6. Wahlen: Nachfolge Yvette Riesen
7. Antrag zur nachhaltigen Sanierung des Biotops
8. Information Jahresbericht und Rechnung Fundaziun Tür auf – mo vinavon
9. Infos und Varia

Unterlagen zu den Traktanden 4 – 7 sind ab 1. Mai verfügbar auf www.auaviva-cadi.ch. Anträge zuhanden der Kirchgemeindeversammlung sind schriftlich bis spätestens am 1. Mai 2023 an die Ev.-ref. Kirchgemeinde, z.H. des Präsidenten Hans Möckli, Via Davos Mustér 4, 7180 Disentis/Mustér zu senden.

Der Kirchgemeindevorstand
Hans Möckli, Jeannette Venzin, Susanne Strupler und Tina Bundi, Yvette Riesen



Corporaziun d'alp Cristallina

Alp Cristallina

Cordiala invitaziun tier nossa radunonza generala da proprietaris da dretgs d'alp che ha liug **sonda, ils 6 da matg 2023** allas 20.00 ell'ustria Cresta a Segnas. Sco usitau vegn purschii ina tscheina a tuts presents. Propostas san vegnir inoltradas a scret al president Anselm Sialm tochen ils 4 da matg 2023.

Sin stedia participaziun selegra

la suprastonza

Spisas ucrainas el Center Aua Viva

Dapi biebein in onn vivan pliras personas dall'Ucraina a Mustér. Ellas han stuiu bandunar lur patria pervia dall'uiara. Probabel ha bein enqual vischina ni vischin gia giu ina caschun ni l'autra da sescuntrar cun in'Ucraina ni in Ucrain. Per profundar quella relaziun ed emprender d'enconuscher la tradiziun culinara dad els porscha La Culturella – l'uniun d'events e cultura da Mustér – sonda proxima, ils 29 d'avrel 2023 ina sentupada el Center Aua Viva a Mustér/Raveras. El center da quei di stattan spisas ucrainas. Naven dallas 10.30 entochen las 12.00 seporscha la caschun da cuschinar quellas communablamein cun personas dall'Ucraina. Naven dallas 12.00 san quellas spisas allura vegnir gustadas. In e scadin ei beinvegnius, l'entrada ei libra, ei vegn rimnau ina collecta per cuvierer ils cuosts.



Grundbuchanlage Gemeinde Disentis/Mustér

Ausstehende Gebiete der Gemeinde Disentis/Mustér (Teile der Vermessungslose 3, 7, 10, 12, Pläne für das Grundbuch Nrn. 38-41, 44-47 sowie Übersichtspläne 1:10'000)

Das Departement für Volkswirtschaft und Soziales Graubünden hat die Einführung des eidgenössischen Grundbuches über die noch ausstehenden Gebiete der Gemeinde Disentis/Mustér (Vermessungslose 3, 7, 10, 12, Pläne für das Grundbuch Nrn. 38-41, 44-47 sowie Übersichtspläne 1:10'000) angeordnet. Im Sinne von Art. 10 der VO betreffend das Grundbuch im Kanton Graubünden (KGBV; BR 217.100) werden alle Personen, die innerhalb dieses Bezugsgebietes

a) Rechte beanspruchen, welche in den kantonalen Grundbucheinrichtungen noch nicht eingetragen sind, oder

b) Änderungen oder Löschungen von unrichtigen oder bedeutungslos gewordenen Eintragungen beantragen, aufgefordert, diese bis am **30. Juni 2023** beim Grundbuchamt Cadi, Via Sursilvana 18, 7180 Disentis/Mustér, anzumelden.

Anmeldeformulare bzw. übrige Infos können beim Grundbuchamt oder unter www.gbacadi.ch bezogen werden. Einsichtnahme in die kantonale Grundbucheinrichtung kann auf telefonische Voranmeldung beim Grundbuchamt Cadi (081 920 33 44) erfolgen.

7180 Disentis/Mustér, 21. April 2023

Grundbuchamt Cadi,
Der Grundbuchverwalter, Martin Monn

Cuors da romontsch per affons da 3 entochen 5 onns da lungatg jester

Liug dil cuors: Disentis/Mustér

Di dil cuors: mintgamai il mardis

Temps: 8.30–9.20 ad Acletta (bus local stat a disposiziun)

Datum: **12 da settember 2023 entochen il zercladur 2024** (cun excepziun dallas vacanzas da scola)

Menadra dil cuors ed informaziuns: Andrea Schmed, Disentis/Mustér (079 430 03 72)

Cuosts: Contribuziun dils geniturs frs. 160.– incl. material (frs. 5.– per lecziun)

Annunzia: Entochen **ils 12 da matg** sut admin@disentis.ch ni (081 920 36 36).

Quei cuors vegn sustenius dalla vischnaunca da Mustér e dil cantun. Il cuors vegn menaus enteifer il project «Wunderfitz e Redeblitz» (www.wunderfitzundredeblitz.ch).

Departament da sanadad, scolaziun, cultura e sport

geraua Jris Lombris

Corporaziun d'alp Cristallina

Alp Cristallina

Cordiala invitaziun tier nossa radunonza generala da proprietaris da dretgs d'alp che ha liug **sonda, ils 6 da matg 2023** allas 20.00 ell'ustria Cresta a Segnas. Sco usitau vegn purschii ina tscheina a tuts presents. Propostas san vegnir inoltradas a scret al president Anselm Sialm tochen ils 4 da matg 2023.

Sin stedia participaziun selegra

la suprastonza



Secziun da catschadurs Péz Alpetta

Super Lotto

Sonda, ils 6 da matg 2023 allas 20.00 el Center Fontauna (sala Fontauna) a Disentis/Mustér. Prevendita naven dallas 18.30. Bus gratuit naven da Flem. Dapli informaziuns sin <https://www.pez-alpetta.ch>

Organisau dalla secziun da catschadurs Péz Alpetta
